



Kam das sy damit befrachtet wurd. vnd dise mein tochter  
herich bewolhen zu leren vnd zu nöien den aller schalck-  
barsten vnd berümtisten leuten byß das sy zu iren tagen  
kam darnach in dem. xij. iar als ich wider kam in Tar-  
siam mein tochter zu suchen. sy war gestorbē das glaube  
ich. vñ setz mir daruñ für in trawien vnd layd all mein  
tag zu vertreiben vñ also ersterben. In dem ist mir mein  
liebe tochter on für betrachtung wider geben.

Wie Cleopatra iren man Appolonium erkennet.



Je weil er aber also redt do mochte sich Cleopatra  
nit lenger auffenthalten. sy ging zu dem knieende  
Appolonio vñ vmseng in begirlich mit iren arm  
en vñ wolt in kufft habē. Appolonius weret sich in vnze  
dult vnwissent seins weibs. do sprach sy mit wainenden  
augen. O heri mein trost mein sele vñ mein lebē. nit thā  
also. Ich bin dein weib des künigs Archistrates tochter.  
so bistu Appolonius mein man vñ mayster der mich ge-  
leret hat. du bist mein schiffzūhiger den ich lieb hab ge-  
habt vñ erwölle hab nit vmb leiplich begirde sūnder von  
künsten vñ weißharte wege. do das Appolonius erhörte

do erkennet er bey disen zaichen das sy sein was. er fiel ir  
vñ den hals vñ wainet bitterlich vor frōde vñ sprach. ge-  
segnet sey d̄ sbust got d̄ mir mein tochter vñ dz weib wi-  
der gebē hat. do sprach sy wo ist die selb mein tochter ant  
wurt er vñ zaigt auff tarsia vñ sprach die ist es. sy kufft sy  
lieplich nach mütterlicher trew vñ wurden bayde ynnig-  
lich erfrōet mit grossen Jubilien aller menig des vol-  
cks das die künigin iren man wider funden het.  
Wie Appolonius wider gen Antiochia vñ Tarsia für.



Appolonius nam mit ym sein weib vñ ander sein  
volck vñ für über dz hoch mōi gen antiochia vñ  
beñah wō dz küngrreich das ym behalten was.  
Darnach für er in Tyria vñ macht sein tochtermā geval-  
tigen herē des selbē küngrreichs. vñ dāñen für er in tar-  
sia vñ ließ sahē Serangwilionē vñ sein weib vñ die fürē  
für die burger d̄ stat. vñ sprach Ir burger saget ob ich kat  
nem ye laid zūgefüge hab sy sprachē all du bist vnser gü-  
tiger heri. wir sind all berayt für dich zu sterbē wir habē  
die saul gesetzt zu ainer gedechtnuß daruñ dz du vns vñ  
de hunger erlöset hast. do sprach Appolonius so flag ich

zu Blatt

030

026

021

Ende

Anfang